

A. Ω.

DISPUTATIO PHYSICA

De

N I V E,

Quam

DIVINO AUXILIO,

Cum suffragio & consensu Amplissimæ Facult: Philos: in Regia & per celebri Academia Aboënsi:

Sub Directione

Amplissimi VIRI

DN. M. PETRI HAHN,

Scientiæ Naturalis Professoris Ord.

Academiæ Biblioth: celeberrimi, Præceptoris & Promotoris ut certissimi, ita pio observantiae cultu perpetim colendi;

Examini publico

Liberalis exercitii gratia modestè submittit

HAQVINUS BURGER/

Wex: Smol:

Ad diem 9 Maii Anni 1696, horis & loco consuetis.

Impr. apud Jo. L. WALLIUM.

*Consultissimo, plurimum Reverendis,
Dominis.*

DN. HENRICO Kluwensich/

Inf: Territorii Satag. & Wechmoënsis
Judici æqvissimo, Meccenati suo per-
petim colendo.

Dn. NICOLAO PROCOPOEO, Past.
Regiminis eqvestris vigilantiss: Fau-
tori & Benefactori optimo.

Dn. LAURENTIO Giers/ non ita pri-
dem in Anola præfecto attentissimo,
Fautori & Conterraneo suo multum
æstimando.

Dn. BERNHARD Lenberg/ Præfe-
cto in Wohjocki circūspecto, Benefa-
ctori & amico temper adamando.

*Hanc Disputationem in animi grati
reverenter & per officiosè*

HAQV.

Auctor

*Spectatissimis Prudentissimisque,
& Viris.*

DN. MATTHIÆ LANGIO,
Pastori in Eura fidelissimo, Fautori
benignissimo.

DN. ANDREÆ Hedman/ Ærarii Re-
gii quod Aboæ est Qvæstori accura-
tissimo, Evergetæ honoratissimo.

DN. LAURENTIO Hauff/ Ter-
ritorii Satagundiæ inferioris Præto-
ri solertissimo, Fautori plurimum
honorando.

DN. HENRICO Elfwing/ Judicii
Territorialis Notario solertissimo,
Fautori & amico singulari.

*Symbolum & sinceri favoris spem;
dicat & offert.*

*Burbeck/
& Resp.*

In Virum Juvenem

Literis moribusq; exquisitè excultum,

D^N. H A Q V I N U M

B I U R B E C K /

De NIV^E ingeniosè Disqvirentem,

Amicum & Commilitem apprimè
dilectum:

Quæ Natura NIVIS sit, num di-
stincta coloris

Sit varii, radiis, Passio quæque
sicut;

Monstras Discursu dato doctissime
Bürbeck /

elite, succedant, quælibet ausa
bono !!!

L. Mq; utut festinatè
scripsit

S I M O N T A Q P O /

Met. & Log. Prof. Ord.

P. P.



HISCE BENEDICAT SALVATOR! TITULUS I.

§. I.

Solent quidem communiter Philosophi, in primordio tractationis alicujus thematis, initiū ab ipsa *οὐρανολογίᾳ* facere, cum autem hujus ratio in substrata materia sit evidentior, quam ut explicationis indigeat, proinde hac omissâ, protinus ad definitionem accedimus realem, qvam talem cum accuratiis naturæ Scrutatoribus exhibemus.
Nix est meteorum agneum, ex nube fœcunda, sed resoluta in minutissimas guttas, à corpusculis frigidioribus in media aëris regione ut plurimum spissatas, ortum, lane instar carmineate terram petens. In datæ Definitionis A expli-

explicatione, duo secundum regulam logicorum veniunt attendenda, Genus nempè & Differentia. Illud constituit meteorum remotè, aquaeum verò proximè. Hæc delumpta est à causa efficiente, materia, forma & loco.

§. II.

Constituta sic nivis Definitone, ex methodo præscripta conferimus nos ad ejusdem Causarum operosam perlustrationem, quarum, ut omnium aliarum rerum, ita & nivis efficiens universalis prima est DEUS laudandus in secula, *Job. 38. v. 22. Numquid ingressus es thesauros nivis, & thesauros grandinie vidisti? quem retinui in tempore angustie & in diem belli ac prælia?* Causæ secundæ sunt stellæ, quæ pro natura causarum universalium caliditatem, frigiditatem, siccitatem &c. virtualiter efficiunt, & mundum inferiorem occulto quodam influxu regunt. Hoc autem diligenter notandum, Solem caloris principem ab effectu sic dictum, qui ei tamen for-

formaliter non ineſt, præprimis ad nivis generationem concurrere, nec non Lunam eodem ſentu humorum matrem, cum cæteris frigidis ſtellis.

Sed dicat quis, concurſum stellarum ad productionem nivis non ſine maximo errore à nobis aſſeri, cum tam immenſum ſpatium à nubibus diſtent, ut nullus contactus inter agens & patiens alias ſemper neceſſarius, inter ea dari poſſit. Sed probè ſciendum, duplīcē inter agens & patiens dari contactum, corporalem ſc. & virtualem. Corporalis eſt unio duorum corporum juxta ſuperficies, cum mutua actione & paſſione. Sic ignis agit in lignum, quod comburit, aqua in manum, quam frigefacit, canis in hominem, quem mordet. Virtualis eſt, cum non ſuperficies, ſed virtus, aut etiam effluvium unius corporis ad aliud pervenit. Sic ſuperficies ſolis corpora noſtra non tangit, que tamen virute ſolari afficiuntur maxiſe. Sperl: p. 295. Hoc etiam modo concurrunt ſtellæ occulta quadam vi ad generandam nivem.

Verum, stellæ, cum sint causæ universales, effectum non determinant, utpote ad certum non restrictæ, adeoque nec ad nivem: proinde particularis requiritur efficiens, nempè frigus, qvod in media æris regione vehemens, nubes fœcundas & roridas invadit, easque in modum lanæ carminatæ convertit, & innumeris floccis ad inferiora demittit.

§. III.

Materiam ex qua præsens hoc meteorum non agnoscit, cum non sit corpus, sed materiam in qua, quæ vel est remotissima, vel remota, vel proxima. Remotissima aqua est, quod satis superque docet nivis in hanc resolutio: in quæ autem quid resolvitur, ex iis etiam componitur. Ne circa hanc considerationem constituti inconvenienti involvamus silentio, qvod scire haud minime refert, sciendum, nivem præter aquam in sele fovere terram, ærem, immo, ipsum deniq; ignem, adeoq; sic omnia quæ-

3

qvatuor elementa, principia generalia. Particulas terrestres nivi inesse satis ex ipsa constat experientia, nam cum manus laventur nive, facile redduntur sordidæ, quæ sordes sanè à nullo alio sunt, nisi à terra. Innumeri nivis poruli nec non ipsius levitas, propria æteris affectio, clarissimè indicant aërea in nive esse corpuscula. Nivis materiam nec igne carere, ex ejus inclarescit subjecto, qvod est vapor, vapor autem effluvium mistum est, & qvod mistum est, necessariò ex omnibus constat miscibilibus. Observandum tamen est, nivem hic considerari ratione suæ existentiæ, quo respectu præter aquam, etiam cætera tria Elementa in se continere dicuntur, non verò ratione essentiæ, hoc enim respectu ex aqua constat.

Materia remota nivis est vapor: hinc fit, ut grando longè facilius in aquam resolvatur quam nix, grando enim immediatè ex vapore constat, nix verò mediataè adeoque qvod proprius est

est aquæ, in aquam abit facilius, quod remotius, tardius.

Materiam proximam agnoscit nix nubem fœcundam, quæ ob particulas aqureas & terrestres, quibus referta est, impetu naturæ unionem similium amantis, per guttulas aqueas in terram descendere allaborat, sed ob intensum trigus congelata, per floccos, sive particulas lanarum floccis similes, decidit. Causa autem cur ex nube non generetur pluvia, antequam in nivem concrescat, est subitum & vehemens frigus, nubi in transitu ad pluviam superveniens, quod non permittit particulas nubis prius coire, sed illas seorsim constringit, antequam congregentur.

§. IV.

Succedit jam forma nivi assignanda, eaque non substancialis, cum corporum classi annumerari nequeat, sed accidentalis, consistens in sexangula illa figura, sub qua floccatim decidit, instar lanæ

Ianæ candidæ carminatæ. Quò respicit
Psaltes Ps. 147. qvi dat nivem sicut lanam.

Expositis ita breviter pro ratione
instituti causis, efficiente, materia & for-
ma, finis inquirendus restat, quem desu-
mimus ex nivis effectu, terræ nimirum
fœcunditate & frugum incolumentate.
Sensim enim madefacit & irrigat ter-
ram, qui mador & irrigatio fœcunditatem
terræ afferunt, è pingvioribus corpo-
res, virtute syderum eductam, quam
nix sibi admixtam habet. Hanc ean-
dem rationem adducit etiam subtilita-
tum Magister Scaliger, inquiens: *Ratio
nempè, cur nix fœcundet, est à pingui bu-
mido, nivibus enim solutis, lutum sit, unde
& nomen quod convenit etiam terris, aqua
dissolutis: haud parum sane terræ admi-
stum nives obtinent, aëris multum; spuma
enim penè tota est nix, aquæ plurimum:
Quibus additus à sole calor, simum conficit,
omnium letaminum multò excellentissimum.*
Hunc nivis finem Esaias quoque indi-
gitat cap. 55. v. 10. dicens; *Quemadmo-
dum*

dum cum p'uria nix de cælo cadit, nec eō
redit, sed irrigat terram, & generare eam
facit, atque germinare. Terræ fœcun-
ditati accedit frugum incolumentas,
quam nix præstat. Tempore enim hy-
emali, cum in utero quasi terræ semina
ipsarum, vel radices delitescant, aut i-
spæ velut in soporem solutæ dormi-
unt, adversus inclem tam frigoris
pro veste aut culcitra eis est, dum spiri-
tum terræ plantis vitalem continet &
supprimit, ut circa radices hæreat: ipsa
etiam salutari halitu turget, qvem
cum humore blando & tenui terræ
venis inspirat. Unde agricolæ hyemes
potius gelidas & nivales in votis ha-
bent. Hoc tamen observatu est di-
gnissimum, copiosam sc. nivem fœ-
cunditati esse inimicam, si diutius ju-
sto terræ infederit, extingvit enim
frigore continuo vitalem frugum her-
barumque succum, ut nimium con-
clusus putrefaciat, & enecentur plan-
tarum radices. Unde dici solet, ni-
vem

vem initio esse matrem segetum,
in progressu autem effici nover-
cam.

TITULUS II.

§. I.

Evolutâ sic præsenti materia, jux-
ta seriem quatuor causarum, de-
volvimus nunc, felici utinam
successu! ad consideranda ejusdem
adjuncta, quæ quatuor potissimum
sunt, locus nempe, tempus, candor
& duratio. Locus ubi generatur nix,
est media aeris regio, acriori & co-
piori pollens frigiditate, quæ ad ni-
vis generationem adeo est necessaria,
ut nubes absqve hujus opera in ni-
vem mutari nequeat. Unde liquidò
constat, infimam aëris regionem huic
negotio minus esse sufficientem, quippe
ob radiorum solarium reflexionem
calidiorem, quamvis hi calorem il-
lum efficiant non immediate & per
se, sed mediately & per aliud, nempè, per

atomos igneas. Nonnunquam etiam infima. Nubecula enim vix elevata, nondumque ad medium aeris regionem delata, frigore blando interdum in flocculos condensatur: Sperling: pag. 923.

§. II.

Jam tempus sese expendendum sifit. Nullo alio tempore, secundum ordinarium naturæ cursum, causæ naturales sibi relictæ nivem dant nisi hymene, ubi vehemens frigus ejus productioni par, per omnes nubis partes spargitur æqualiter. Extraordinario vero modo etiam aliis temporibus. Interim probè distinguendæ sunt regiones, distinguendæ zonæ.

§. III.

Tempus excipit albicans ille candor, cuius ob puritatem oculus hominis in admirationem rapitur. Causa in rara & subtili ejus materia est quærenda.

§. IV.

§. IV.

Duratio ultima nivis est affectio, ut supra dictum est. durant verò non nunquam nives, septimanas, menes etiam aliquot; invenias præterea loca in altissimis montibus, inque regionibus septentrioni obnoxiiis, quæ perpetuas habent nives, item valles & convalles. Calore enim absente, non liquefcunt nives. Hisce unicam subiectimus quæstionem à variis, variis modis explicatam, nimirum:

An nix per se, realiter & ratione suæ essentiæ sit alba? Neg.

Præsens hæc quæstio multorum exercuit ingenia, instigando eadem ad inquisitionem veritatis in se se latitantis. An verò omnes ex æquo veritatem attigerint, raptis Auctoriibus in diversas partes, haud leve est dubium, quod ut tollatur, stante tamen sua cuique & gloria & fama illibata.

Quæ-

Quæstionis negativæ patrocinatur, sequentibus suffulti rationibus. Sit itaque ratio I. Omnis coloris origo, adeoque albedinis, sulphuri est adscribenda, quo prælente & debito modo commixto, adest color: absente vero aut minus rectè mixto, color abest. Unde haud obscure patet, si nix vere & realiter esset alba, quod sulphur admixtum haberet. Verum nondum acceptimus ullum chymicæ artis peritum, ex nive ratione suæ essentiæ spectata, sulphur elicere potuisse, ergo neque est vere & realiter alba. Alias enim non negamus, ex nive, ratione aliquujus status existendi accidentalis, materiam sulphuream exprimi posse. Quibus contraria nostræ assertioni arridet sententia, præcipue objiciunt, a. nivem esse calidam, ideoque sulphure non destitutam. Quod probare conantur ex frugum & hominum sub nive testorum a frigoris injuria immunitate. Verum, Resp. adhibendo distinctionem inter

inter nivis calefactionem & similiūm unionem, hanc non illam probat conservatio hominum & frugum sub ipsis nivibus. Præterea dicendo, collectiōnem à calore ad sulphur non valere, nam ignis est calidus, non tamen sulphureus. 3. Nivem esse corpus mistum, omne vero mixtum constare ex omnibus miscilibus. R. dist. inter mixtum & accidens corporis mixti. Nix non est corpus, sed ejus saltem accidens. II. ratio. Si nix per se & ratione suæ essentiæ esset alba, albedo illa inesset ejus materiæ nimirum aquæ, quoniam nix est accidens. Accidens autem non potest esse subjectum accidentis, consentiente toto Philosophorum choro, ergo nec nix subjectum albedinis. Aqva vero, qvæ corpus est simplex, nullo colore est prædita. Ratio hæc est, qvia color est qualitas corporis mixti, orta à sulphure, qvæ nullius Elementi, nec ullius corporis simplicis essentiam vel constituit vel ingre-

greditur. Ergo neque nix per se & ratione suæ essentiæ est alba. III ratio. Si nix colore albo reali praedita esset, noctu in visum non incurreret, qvia nullus color noctu vide ri potest, ob absentiam corporum illuminantium, & contrarium probat rerum Magistra experientia. Ergo nix non est colorata, sed lucida. 4 ratio. Qvodcunqve vero & reali gaudet colore, id in momento eo privari nequit, at nix in momento eo privat ur. Ergo ; Major est immotæ veritatis. Certitudinem Minoris reddit ipsa experientia. Nix enim, cum in aquam abeat, qvæ nec alba est, nec atra, in momento colorem amittit. Atqve ista sunt qvæ hac vice candidæ Doctorum censuræ subjicere volui, perversis judiciis satisfacere haud laborans. Sat mihi si placeam, cui qværo placere Jehovæ, sat mihi, si placeant hæc medita ta bonis.

SOLI DEO GLORIA.

In gratiam Praestantissimi, Ornatisissimi
atque Politissimi,

DN. B I U R B E C K /

Disputationis Auctoris acutissimi, ami-
ci dilecti & jam multis annis noti.

Parnassum Biurbeck ut scandit doctus
Alumnus

Musarum, ex opere hoc cernere quisque
valet.

Monstrat quæ vera est naturæ causa gelantis
Et nudat ponto Nerea sic rigidum.

Macte quod esse jubet tua te fortuna la-
borque

Accidit & meritum sympathriota decus,
Seruenè & Herculeo, dum certas fortiter
ausu

De nive sic cathedra hâc præmia digna
feres.

Gratulor ingenium vegetum Doctissime,
Biurbeck /

Dotibus id decoret Pallas amica simul.

Nunc mihi sufficiat tibi singula fausta precatum
Gratanti & tenero plaudere sic calamo
cæptis.

Amica manu subjeit
JOHAN. AGRELL.

Sententia facile jam mutatur lo-
coque cedit, qvæ menti cuius-
dem insidebat: quod juvenis non
possit esse sapiens, quia pruden-
tia requirit experientiam quæ
indiget tempore; licet enim Per-
eximie Dn. Respondens ætate ad-
huc floreas, attamen variis vegeti
ingenii documentis etiam corde
sagaci senium æqvasti, ut juventam
& prudentiam mutuò se conso-
ciasse nexu in tuo animo hinc
quoque pateat, cum tam eviden-
tibus signis mirandam naturam
nivis denudas, quapropter vo-
veo ut metam præfixam feliciter
attingas, & spem qvam omnes
boni de te conceperunt, constan-
ter foveas. Vale!

*Affectu quam verbis
prolixior*

PETRUS J. KULMANN.

PereXIMIo AUctorI, ResponDentI
& Patriotæ saLutarIa qVæqVe VoVet

A ssiduos patriæ monstras BIURBECKE la-
bores,

Q uæque animi vires, robora & fau-
sta probas.

T estatur præsens etiam hæc conscriptio pulchra,
Qua magnas pulchre solvis amande-
plicas.

S ternis iter Sophie perdocte ad culmina-
summa,

V anaque convallis ponderarite, bene.

Quo certe studii rationem reddis, & orbi
Ostendis docto, quam sapienter agis.

G ratulor his studiis, Te præmia digna se-
quentur,

Hæc Bonus ille DEUS cæpta facundet,
Amen !!!

MATTHIAS Beckelman.
Alumn. Reg.

F luxos lustrasti thesauros lumine acuto
Et gelidos niveos, rerum fandig; perite
Fautor, qvos Jobus vere pietatis & æqui
Cul-

Cultor suspexit, Velut haud imitabile factum
Regis Olympi, qvin etiam præconia laudum
Illi dixit : qvod peragant ipso auspice
motus

Cuncta suos; qvare est hic nifus laude ferendus
Qvo tentasti naturam sic promere rerum.
Ergo inclinabit DELL'S en hæc ora voventi
Auspicio hoc felix ut vivas tempora longa.

OLAUS Junholmi.

